


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-103	Al-'Ashr	3	1	Makkiyyah	Ke-13	2





### **Zaman Diturunkan**

Surah al-'Ashr juga termasuk dalam surah yang diturunkan pada peringkat permulaan kehidupan Rasulullah s.a.w. di Mekah di antara tahun ke-1 hingga tahun ke-3 Kenabian. Pada ketika itu kebanyakan surah-surah yang diturunkan kepada Rasulullah mempunyai nilai kesusasteraan yang sangat tinggi, ringkas, kemas dan padat.

### **Kelebihan Surah Al-'Ashr**

Kerana begitu padatnya surah ini, Imam Syafi'e pernah berkata: **لَوْ لَمْ يُنْزَلْ غَيْرَ هَذِهِ السُّورَةِ لَكَفَّتِ النَّاسَ** "Sekiranya tidak diturunkan selain surah ini nescaya ia sudah pun mencukupi untuk manusia" Tafsir Ruuh al-Ma'ani juz. 30 m/s 227.

### **Perkaitan Surah Al-'Ashr Dengan Surah Sebelum Dan Selepasnya**

1. Di dalam Surah at-Takatsur diterangkan tentang amalan-amalan baik iaitu syukur akan ni'mat-ni'mat Allah, yakin tentang hari akhirat, hidup dengan penuh perasaan tanggungjawab dan lain-lain. Amalan-amalan buruk pula ialah berlumba-lumba memperbanyakkan kekayaan dunia, leka, ragu dan tidak adanya perasaan bertanggungjawab. Di dalam Surah al-'Ashr ini dinyatakan bahawa amalan-amalan yang baik itu baru akan berguna setelah adanya iman, oleh itu manusia janganlah berlambat-lambat dalam beriman kerana masa berlalu dengan begitu cepat dalam hidup manusia.

### **Beberapa Kata Kunci Dan Tema Utama Surah**

1. **العَصْر** Masa atau masa yang telah berlalu.
2. **العَصْر** adalah muqсам bihi (sesuatu yang Allah bersumpah dengannya) dan **إِنَّ الْإِنْسَانَ لِفِي خُسْرٍ** adalah muqсам 'alaih (sesuatu yang Allah bersumpah kerananya). Muqсам bihi dan muqсам 'alaih mempunyai pertalian dan hubungan yang sangat rapat, maksud sumpah ialah mengemukakan sesuatu sebagai bukti dan kesaksian, sumpah juga bermaksud mengemukakan dalil setiap detik dari masa yang berlalu menjadi saksi dan bukti bahawa jika manusia mati tanpa beriman dan beramal shaleh nescaya ia akan kerugian. Manusia tidak mengetahui bilakah ia akan mati, kerana itu setiap waktu dia hendaklah menghargai masa dan bersegera memilih jalan pengabdian kepada Allah.
3. **تَوَاصَوْا** bab **تَفَاعُلٌ** bermaksud saling nasihat menasihati.
4. **الْحَقَّ** hakikat, salah satu nama Allah, lawan kepada kebatilan, ajaran yang benar, tauhid dan haq, itulah antara erti **الْحَقَّ**.
5. **صَبْرٌ** bererti sabar, istiqamah, teguh pendirian, terus menerus mengawal diri, tidak gopoh, menunggu masa yang sesuai, tidak resah dan gelisah, tetap pendirian, jihad dan lain-lain. Itu adalah antara erti sabar yang tersebut di dalam al-Qur'an.